

Universitätsbibliothek Paderborn

**S. Francisci Xaverii E Societate Iesv Indiarvm Apostoli
Novarvm Epistolarvm Libri Septem**

Francisco <de Javier>

Romæ, 1667

Epistola VI. PP. Ignatio De Loyola Et Petro Codacio Romam.

[urn:nbn:de:hbz:466:1-46129](#)

EPISTOLA VI.

PP. IGNATIO DE LOYOLA

ET PETRO CODACIO ROMAM.

*Gratia & Amor Christi Domini Nostri ad sit
nobis semper auxilio & favore.
Amen.*

Hos raptim deproperare versus cogimur
procincto & multum festinante Cur-
sore. Paucis igitur sic habetote: Benè va-
lere nos & crescere. Iam sex numero hic
sumus; omnes ex notis nobis Lutetiæ Pari-
siorum, præter duos, Paulum videlicet &
Emmanuelem de Sancta Clara. Domino enim
nostro placuit in tantum fortunare vota &
conatus nostros, hisce nobis sociandi adiu-
toribus ad celebrandum nomen eius inter
Gentes quæ ipsum non noverunt. Imputa-
mus celesti favori quem vos isthinc conci-
lietis nobis, fructum qui hic existit ex no-
stris ministerijs; longè superior facultate,
scientiâ, intelligentiâque nostris. Tam-
multi, iisque præstantis dignitatis ad nos

C acce-

34 S.FRANCISCI XAVERII

accedunt aperiendæ causâ, per sacram confessionem, conscientiæ, ut tempus desit quo cunctis satisfaciamus. Dominus Princeps Henricus summus Inquisitor Regni huius, & Regis Frater, saepius commendavit nobis, ut curam susciperemus eorum in spiritu iuvandorum qui Sacræ Inquisitionis custodiâ tenentur. Hos itaque quotidie adimus; damusque operam ut intelligent, quanto Dei beneficio in eo Poenitentiæ Gymnasio exerceantur. Ad eos simul cunctos exhortationem habemus semel quovis die: tradimusque Exercitia primæ Hebdomadæ, magno ipsorum solatio & fructu. Multi ex illis dicunt nobis, agnoscere se singularem in ipsis Dei gratiam, quod operâ nostrâ primùm audiant plurima scitu necessaria ad salutem animarum suarum. Ante hos paucos dies misimus ad vos literas Regis ad Pontificem & ad Oratorem in Vrbe suum, quibus commendat res nostræ Societatis ut suas proprias. Ad commendatitias eius generis in hac Aulâ impetrandas, iam non egemus interpositio ne ullius: per nos ipsi sufficimus. Nunc quoque Rex, nisi esset in gravi luctu ob mortem Principis Eduardi, scripsisset iterum ad Sanctissimum Dominum & ad Cardinalem,

SS. Qua-



SS. Quatuor Coronatorum , aliosque quorum
 isthic favor necessarius aut utilis rebus no-
 stris est . Verum ita , ut dixi , obrutus do-
 lore ac consternatus est acerbo funere Prin-
 cipis sui Fratris , ut domi clausus neminem
 admittat ; & tristi iustitio negotia pendeant .
 Concedendum pio mœrori iustum spatium
 est . Vbi refederit post paucos dies exorabi-
 mus ab optimo Rege literas quām voletis
 multas ad quoscumque designabitis . Quidam
 qui studiorum cursum Parisijs confecit , vi-
 tæ Societatem nobiscum iniit . Nomen ei ,
 Magister Consalvus Mederes . Nondum est
 Ordinibus initiatus . Per Dei Domini No-
 stri obsequium oramus , impetrare & mitti-
 te Rescriptum Pontificium cuius vi , extra-
 consueta tempora , tribus diebus festis pro-
 moveri per solitos gradus ad Sacerdotium
 ritè possit ; ut Sacretur Presbyter antequam
 solvamus in Indiam . Opus etiam esset im-
 petrari Privilegium sex Clericis arbitratu no-
 stro communicabile , utendi Breviario novo .
 Ea res usum haberet nonnullum ad facilius
 alliciendos quosdam ut nos in Indias sequi
 vellent . Per Domini Nostri amorem vos
 obtestamur , curate quam celerrimè perfer-
 ri ad nos Breue quo dirigimur in Indias .

C 2

Nam



36 S.FRANCISCI XAVERII

Nam tempus eò solvendi instat. Magna no
spes tenet fructūs uberis ex illâ nostrâ navi
gatione secuturi. Facite, oramus vos, quan
primū sciamus, quid nos oporteat consti
tuere de ijs, qui aut Parisijs fuerunt studio
rum causâ, aut eò ituri sunt. Respondeat
etiam distinctè ad ea quæ scripsimus de Stra
da; deque consilio excitandi Contuberni
Scholarium nostrorum in Conimbricen
Academiâ. Nam ad id, & pia eius gene
ris opera primum hîc paratumque habemus
favorem Procerum, & liberalitatem Locu
pletum. Docete igitur citò nos, quid cir
ca hæc decreveritis, ut prout iussuris effi
cere conemur quod videbitur *magis expedi*
re ad laudem Dei. Rapit chartam è mani
bus Veredarius moras increpans. Ergo quo
hactenus hîc scripsi, sit insta? Epistolæ com
munis mecum Magistro Simoni: huius autem
communis item utrique, subscriptio, quasi si
gilli vicem præstet. xi. Kal. Novembris An
no MDXL.

Vtriusque nomine, Magister Simon.

EPI-

